

Lyrodoriae Pænes. V.
IMMANUEL!

DISQVISITIO THEOLOGICA,
De
EMPHATICA VOCE

EMUNDAT:

Auxilio ejusdem JESU CHRISTI
FILII DEI MUNDATORIS nostri,

In Regia Universitate Aboënsi,

Consensu Rev. Fac. Theologicæ,

Pro Stipendiariis examinanda,

P R Æ S I D E

E NEVALDO SVENONIO,

Q. G. A. SS. Theologiæ Doct. Pro-
fessore Primario, nec non p. t. Alumn.
Reriorum Inspectore.

R E S P O N D E N T E

Sacrae Regiæ Maj. Stipendiario

SVENONE N. Hööf / Smol.

Ad diem 17 Jun. Anno 1737

M. DC. LXXXII.

Excusa ABOË a Regiæ Academiae Typogr.
JOHANNÉ L. WALLIO.

Chouf. Chagny Colander

Pl. Reverendo & Praclarissimo Viro,

DN. M. PETROLAURBECCHIO

Regiæ Acad. Aboënsis Poësis Profes-
sori longè celeberrimo, Eccl. quæ in Lundò
colligitur Past. meritissimo; Nutritio meo be-
nignissimo, Præceptori & Mecœnati, humil-
limo animi obsequio, æternùm suspi-
ciendo.

Reverendo & Clarissimo Viro,

DN. M. ANDREÆ H. Pns

Pastori Kimithoënsi vigilantissimo, Fautori &
Promotori, jugi animi observantiâ nun-
quam non devenerando.

NEC NON

Prudentiâ & integritate Spectatissimis

DN. NICOLAO MALLEONIO,

Redituum Classis Regiæ, per totum littora-
lem tractum Finl. Inspectori prudentissimo,
Fautori multis nominibus observando.

DN. O L A O Krusell / Baronatus
Kimithoënsis Prætori fideliss. & Spectatiss-
simo, fautori & benefactori indefinentèr
colendo.

DN. BARTHOLDO Jöranson /
Curia Aboënsis Senatori dexterrimo, fau-
tori multum honorando.

DN. CAROLO Hanning / Gram-
tophyllacii Aboënsis scribæ solertissimo,
fautori & amico per dilectos.

Iohannes Theologus, Mecænates & Fau-
 tores optimi, alicubi inquit: vidi exeun-
 tem equum rufum, & qui sedebat super
 illum, datum erat ei, ut sumeret pacem
 de terra, & datus est ei gladius magnus.
 Nimis abundè hoc, proh dolor! impletum esse
 videt, totus circa hanc mundi vesperam, eru-
 ditorum chorus. Vaferrimus enim hostis ille
 Satan tyrannos in civitatem Ecclesia dolose sub-
 ornat, qui necem Christianarum spirant, san-
 guinem sitiunt, scelus anhelant, pestemq; iisdem
 moliantur. Hi præservedi & imperiosi Ari-
 starchi, ex fontibus Israël, se ad satietatem
 spiritus bibisse autumant; ideoque eis palma-
 rium est, Mystera religionis, & fidei articulos
 legibus humana rationis aptare, simplices pi-
 scatores Apostolos ad Aristotelis, Scoti, Thomæ
 & id genus contradictorii regni Magistro-
 rum Scholas deducere: Hinc Pertinax, illa
 phalanx, ad rationis suæ dictamen, in varia
 prolabitur gloria divina blasphemias & scan-
 dala, quorum hoc non minimum censendum,
 dum photiniani cum Socinianis aliisque, Chri-
 sti pro peccatis satisfactionem, non tantum an-
 nihilare verum pernegare satagunt. His iam
 obviam eundo, & os obturando peculiarem

tractatum adornat Reverendissimus in hoc
Athenaeo primarius Professor in Christo pater,
& praeceptor colendissimus, Quo validissimè
evincit, Christum Deum & Patrem, sanguine suo
vero, caelesti, satisfactorio, Miraculoso, sancto
& salvifico, ira Dei pro nobis satisfecisse, nosq;
omnes à peccatis emundasse. Hoc Argumen-
tum, Promotores & Fautores optimi, mea qua-
licunq; Minerva defendendum elegi, quamvis
minus diffitear, hujus Materiei sublimitatem,
ingenioli mei vires, infinitis per sanguis su-
perare; Tamen cum non propria laudis au-
cupanda, sed unica Divina gloria vindicanda
gratia, munus hocce susceperim, opem Divi-
nam in eodem obeundo indubitatò mihi polli-
cior. Quod itaq; in Theologia tyrocinium,
vestris nominibus venio inscriptum atq; dica-
tum; vestra licet beneficia in me collata innu-
mera, retributiones exegerint equidem majores:
sed cum novercans illa fortuna mihi alias
vobis gratificandi preciderit vias, spero imò
confido, vos chartaceū hocce munusculum, serenà
fronte accepturos, & ad monitum Seneca, non
donum, sed animum dantis attenturos. Valete

&

uti Cœpistis favete
Humillimo & officios:
S. N. Høst

EMUNDAT.

DISP.
V.

Resp.

SVENO-
NE N.

Höf!

Wex.

Smol.

Aboe.

§. 1.

Summa hujus Disquisitionis Tribus membris exstantioribus absolvitur, quorum I. *Actus* exhibebit. II. *Synonyma* proponet III. *Causas* repræsentabit, Epitheta, Qualitates & Effectus *pretiosi Sanguinis*, quippè qui est *α. Verus & Naturalis. β. Coelestis. γ. Fraternalis. δ. Satisfactorius. ε. Miraculosus. ζ. Sanctus. η. Salvificus*: de quibus singulis *ευνοικωσ.*

§. 2. I. *Actus* quod attinet, verbum *Emundare* duo cum primis complectitur, I. *Pretiosissimum* *λύτρον* Gallicè *Rancon*: unde *Suet. Ranzion*/quod est pretiū pro redimendo captivo pensum, adeoq; *Satisfactionem* plenariam Christi pro toto Mūdo, non in generibus singulorum

solū, sed & singulis generum considerato præstitam, Matth. 20:28. 1. Tim. 2:6. Cont. *Calv.* II. Eiusdem *Applicationem*, quæ in gratuitâ Remissione peccatorū consistit Heb. 9:22. Eph. 1:7. Col. 1:14.

§. 3. II. Συνώυμα verbi *Emundare* sunt illa, cūm Deus dicitur nostra delicta *Auferre*, Exod. 34:7. Esa. 27:9. Item, *Delere*, Psal. 51:11. Esa. 43:25. *Dealbare* Esa. 1:18. *In profundum maris projicere* Mich. 7:19. *Devolvere peccata in Messiam*, Esa. 53:6. *Tollere peccatum Mundi* Joh. 1:29. *Obliterare Chirographum nostrum*, Col. 2:14.

§. 4. III. Epitheta Sanguinis pretiosi sunt seqq. sc. quod sit 1. *Verus ac Naturalis Sanguis*, qui ita à Christo describitur, quòd erat effundendus atquè reverà effusus sit in Remissionem peccatorum Matt. 26:28. Marc. 14:24. quemadmodum ipsa S. Cœnæ institutio sonat. item Ebr. 2:14. *Sicut pueri participant de carne & sanguine; & ipse similiter eorundem particeps factus est.* Utquè Sacerdotes V. T. verum sanguinem taurorum, capro-
rum

rum ac vitulorum obtulerunt in sacrificiis; ita noster in N. T. summus pontifex suum verum ac naturalem sanguinem in arâ crucis & aliàs pro nobis effudit, Ebr. 9: 12, *Neq̄ per sanguinem hircorum ac vitulorum, sed per proprium sanguinem ingressus est semel in sancta, aternâ redemptione inventâ.* Ubi asseritur, quòd non per alienum sanguinem, sed per proprium sanguinem introivit semel in Sanctuarium, Col. 1: 14, *Habemus redemptionem per sanguinem ipsius, nempe Remissionem peccatorum.* Eph. 1: 7. Rom. 3: 24. 25. &c.

§. 5. Hæc doctrina de veritate sanguinis Christi necessario defendenda est, cum adversus Schwenkfeldianos, Weigelianos, Anabaptistas, Fratres Rosæ Crucis, Auricoquos, aliosquè qui Christo affixerunt corpus astrale aut Phantasticum, tanquam ex multis essentiis distillatum; sed & nonnullos patres, qui ex simplicitate & timore, tempore Arianorum aliorumquè hæreticorum, qui Deitatem Christi cœperunt oppugnare etiam

ideò, quia anxietatem, dolorem, sanguinis effusionem ac sudorem, ipsamq; mortem passus sit: ne illis succumberent nimiumq; etiam cogeretur concedere, ab Evangelicæ historiæ suis exemplaribus dicta nonnulla de sudore sanguineo Christi & similibus tractantia, expungi toleraverint; quos tamen *D. Hieronymus Lib. 2: Contra Pelagianos* modestè excusat.

§. 6. II. *Cælestis Sanguis*: Hoc titulo dignus est Christi sanguis, non quòd immediatè cœlitus depluerit, aut artificiosè de cœlo fuerit Christi corpori impressus; sed quia sit sanguis ejus qui *Dominus de cœlo est* 1. Cor. 15: 47. & ut h. l. ait apostolus: *Sanguis Filii Dei*, de quo immediatè antea scripsit: *Deus est Lux*, siq; ambulemus in luce, habemus cum eo communionē. Idem est de quo scribit de judæis *S. Petrus Act. 3: 14. Authorē vita interfecistis.* Et *S. Paulus 1 Cor. 2: 8. Dominum gloria crucifixerunt.* Conf. *Matth. 21: 38. 39. 1. Cor. 1. 23.*

§. 7. Quocircà diligentèr accuratoq; studio cavenda erit *Calvinianorum Αλλοιωσις*, seu Zuingliana trajectura, quâ san-

Sanguinis Jesu Christi Filii Dei vim atque virtutem, Soli naturæ divinæ transcribunt attribuuntq;. Est quidem, ut loquar, natura divina, fons unde vis sanguinis Christi meritoria ebullit, natura tñ. humana non est mera, terrena, vacuaque aut inanis, ut arundo, per quam virtus illa infinita fluit, sed ex hac quoq; ipsâ, ut ita dicam, coebullit ceu ex uno fonte simul. Unde Anno Christi 431. conclusū fuit *Quobvpadōv in Concilio Ephesino Can. 4. Quicumq; ausus fuerit Testimonia sacra Scriptura, qua de Christo ejusque merito agunt, ita explicare atque interpretari, quasi ibidem de duarum distinctarum personarum actionibus tractaretur, anathema sit.*

§. 8. III. *Fraternus sanguis:* Hæc fraternitas nostra cum Christo consideranda est cum respectu τῆς σαρχὸς ὁμοσίας nobiscum; sed vel maximè quoad professionem Fidei Marc. 3:34. 35 de utraque elegantè scribit D. Augustinus in *Manuali c. 35:* his verbis: *In Christo Jesu uniuscujusque nostrum portio Caro & sanguis noster est: ubi igitur portio mea regnat, ibi*

Et me regnaturum confido: ubi sanguis meus glorificatur, ibi Et me gloriosum fore confido: nolite timere caro Et sanguis, quia fratrem vestrum habetis in cælis. Conf. Rom. 8: 29. Primogenitus inter multos Fratres Psal. 22: 23. Heb. 2: 11. seqq. Non erubescit fratres illos vocare &c. Ab hoc fidelissimo Fratre ut olim ita etiamnum fraternam nobis pollicemur benevolentiam, amorem & beneficentiam: is enim est de quo loquuntur Acta apostolica Act. 10: 38. Scitis Jesum illum Nazarenum, quomodo unxerit eum Deus Spiritu S. Et virtute, qui pertransiit benefaciendo Et sanando omnes oppressos à diabolo, quoniam Deus erat cum illo.

§. 9. Hæc dicta sunt secundum Christi humanitatem, quâ immediatè noster Frater est; aliàs divina participes Nature facti sumus 2. Pet. 1: 4. α. inserti capiti Christo ceu corpus ejus Mysticum, qui propterea incarnatus est, ut nobiscum in se divinam comunicaret naturam, iteq; cum per regenerationem tum adoptionem, ac mysticam unionē inhabitationemq; Joh. 1: 13. Eph. 5: 30. c. 3: 17.

β, Tem-

β. Templā Dei per inhabitationem Sp. S. extructi 1. Cor. 3:16. c. 6.17.19. restauratā in nobis imagine Dei per regenerationē & renovationē Eph. 4:23. Col. 3:10. γ. Vero corpore ac sanguine Christi in S. Coenā cibati potatq; 1. Cor. 10:16. δ. Tandem erimus plenario divinæ confortes naturæ, dum in futurā vita Deum videbimus de facie ad faciem 1. Cor. 13:12. atque Deo similes, visuri eundem in æternum de facie ad faciem, 1. Job. 3. 2. 8. Intereā, quisquis confessus fuerit quod *Jesus sit Christus Filius Dei, Deus in eo manet & ipse in Deo* 1. Job. 4:15. id est, non solum qui *Ebionem & Cerinthum* aliosq; hæreticos oppugnantes Deitatem Filii Dei aut inficientes alios fidei fundamentales articulos, refutant ac abominantur: sed & aliās veræ ac orthodoxæ religioni ceu jurati confessores usque in agonem sincerè ac constantè addicti sunt: tales enim dicuntur amare DEUM. v. 16. *Deus Charitas est, & qui manet in Charitate, in Deo manet, & Deus in eo.*

§. 10. Patrum de hoc dicto sequens fuit iudicium: D. Ambrosius Lib. v. de Fide c. 5. scribit: *Christus nostra fragilitatis in carne se praeiunxit consorti, ut nos in virtute sua divina faceret naturae consortes. Athanasius Orat. v. contra Arianos ait; Deus factus est homo, ut nos in seipso Deificaret.* Ad haec B. Job. Hussus in 1. Joh. 3. ita alludit: *Tunc erimus Dei, non participatione & consortio aequalitatis, sed participationis per gratiam in hoc, per gloriam in futuro seculo.*

§. 11. IV. *Satisfactorius Sanguis*, seu solutorius pro omnibus peccatis nostris, quia emundat nos ab omnibus peccatis. Nam sicut vita est in sanguine Lev. 17: 11. Ita etiam qui sanguinem pro alio effundit, is quoque ponit animam ac moritur pro illo. Quanto magis Salvator noster Jesus, pretium pro peccatis nostris exposuit effuso suo sanguine, sufficientissimum! Quippe, qui eodem nos redde-

redemit 1. pet. 1: 18. 19. *Scientes quòd non corruptibilibus auro vel argento redempti estis &c. sed pretioso sanguine Christi, velut agni immaculati ac incontaminati. Apoc. 5: 9. Quoniam occisus es, & redemisti nos per sanguinem tuum. Conf. 1. Cor. 6: 19. c. 7: 23. τιμὴς ἀγοράσθητε, id est, Pretio dignissimo empti estis. Hanc virtutem satisfactoriam obtinet ideò, quia est sanguis ipsius Dei, Act. 20: 28. Deus acquisivit sibi Ecclesiam suo sanguine. Unde Divus Anshelmus Archiepiscopus Cantuariensis in Angliá Tom. III. Lib. II. de, Cur Deus homo factus? cap. VI. quòd satisfactionem per quam salvatur homo, non possit facere nisi Deus homo, sic declarat: Hoc autem fieri nequit, nisi sit qui solvat Deo pro peccato hominis aliquid majus, quàm omne quod Deus non est. Ita constat: illum quoq; qui de suo poterit Deo dare aliquid, quod su-*

superat omne quod sub Deo est, majorem esse necesse est, quàm omne quod non est Deus. Nihil autem est, quod super omne sit, quod Deus non est, nisi Deus. Non ergò potest hanc satisfactionem facere nisi Deus. Sed nec facere illam debet, nisi Homo, alioquin non satisfacit homo. Si ergò, sicut constat, necesse est, ut de hominibus perficiatur illa superna Civitas: nec hoc esse valet, nisi fiat prædicta satisfactio, quam nec potest facere nisi Deus, nec debet nisi homo: necesse est ut eam faciat Deus homo.

§. 12. V. Miraculosus Sanguis: Communis atque vulgaris sanguis inficit, conspurcat maculatque quibus adspargitur objecta sua: hic verò Sanguis Jesu Christi Filij Dei $\alpha\delta\alpha\upsilon\epsilon\iota\zeta\epsilon\iota\ \eta\mu\acute{\alpha}\varsigma$ purgat ac lavat nos. ubi autem, pro Deum immortalem, auditum est, tantæ mirabilitatis $\alpha\pi\epsilon\gamma\acute{\iota}\delta\omicron\zeta\omicron\nu$, in toto mundo, pervenit

univer-

universa secula, illud quod purum ac immaculatum esse debeat, sanguine abluui posse? quicquid n. aliàs sanguine humano aspergitur, vocatur impurum: quemadmodum de judæorum Sacerdotibus scribitur in Threnis, qui justorum sanguinem effuderunt c. 4: 14. *Vacillarunt cæci in plateis polluti sanguine.* De hoc vero Jesu sanguine extat, quòd nos *Emundet*, quoniam majori admirationi erit, quod de justorù animabus è magnâ tribulatione liberatis inque cœlum portatis narratur, Apoc. 7: 14. quod ἐλεύκασαν, hoc est, *Dealbaverunt stolas suas in sanguine agni.* Cum tamen albus color, rubedini sanguinis è diametro opponatur Esa. 1: 18. *Si fuerint peccata omnia rubra q: vermiculus, velut lana alba erunt.*

§. 13. Quoniam verò omnes facti sumus ut immundus & q: pannus menstruata, universa justitia nostra Esa. 64: 6. scilicet per sordes peccatorum: Audiamus ergò a. verbum Mandati Esa. 1: 15. 16. *quia manus vestra plena sunt sanguinibus, Lavemini, mundi estote &c.* ubi rursus

sus oppositio fit inter sanguinem polluentem & Christi sanguinem emundantem nos, imò abluentem Apoc. 1:5. *Deus dilexit nos & lavit nos à peccatis nostris per sanguinem ipsius: ß. Verbum promissionis applicatum 1. Oratione Psal. 51: 9. Lava me & nive candidior ero 2. Baptismo, Eph. 5: 26. Semetipsum exposuit pro eà (Ecclesiã) ut illam sanctificaret, mundatam lavacro aqua in verbo. 3. Fide Rom. 3: 25. Habemus Redemptionem per sanguinem eius, nempe remissionem peccatorum. Eph. 1:7. Col. 1:20. 4. S. Cœnæ digna usurpatione, ait enim Jesus Matth. 26:26. Hic est calix N. T. in meo sanguine, qui pro vobis effunditur in Remissionem peccatorum. 5. Sanctificatione & Renovatione, Heb. 9: 13. 14. Nam si Sanguis taurorum & hircorum & Cinis juvenca aspergens inquinatos sanctificat ad carnis purificationem: Quasò magis sanguis Christi, qui per Spiritum æternum seipsum obtulit immaculatum Deo, purgabit conscientiam vestram ab operibus mortuis, ad serviendum Deo viventi.*

§. 14. VI. Sanctus Sanguis: quia est sanctificati & uncti Christi Sanguis, quem

quem unxit Deus oleo Lætitia præ confortibus suis, Psal. 45: 8. accepit enim juxta humanam naturam Spiritum S. sine mensurâ Joh. 3: 34. quippè quia *sanctum quod de Mariâ virgine nasceretur, Filius Dei vocatur & simul est* Luc. 1: 35. Btenim Hebr. 7: 3. 26. *Sancta hostia, pontifex sanctus, innocens, impollutus, segregatus à peccatoribus & sublimior cælis factus, cui non sit quotidie necesse (quemadmodum illis pontificibus) prius pro propriis peccatis victimas offerre, deindè pro peccatis populi, nam id fecit semel, cum semetipsum obtulit.* Blasphemia itaque sunt quæ Dren-tani Calviniani in Syn. Dordrac. ac Jud. de Art. Remonst. scribunt: *Fuisse sc. Christum massa corruptæ adamitica particulam, quippè semen Mulieris, à reliquâ tamen perditâ massâ discretum &c.* Et porro: *Eundem à Deo gratis ad vitam æternam electum, non potuisse igitur aliquid apud Deum mereri: Sed effusionem sanguinis ejus esse quidem acceptam ut solutionem, pro peccatis ex gratiâ, non quidem vim habeat à, in & per se &c.* Talia periculosa

riculosa ἀνέσματα quoque invenire est in *Instit. Calvini* Lib. 2: c. 17. §. 1. nec non penes Pontificios, præsertim *Scottistas*. Ast, judicium B. Lutheri nostri de talib. tale extat Tom. vi. Jen. Germ. fol. 22. darumb sind das verleügnen und abtrünnige Christen / Schänder das Leibes und Blutes Christi / die ihr eigen Leiden und Blut dem Leiden und Blut Jesu an die Seiten setzen: quæ quidem directè concernunt Papistas, à quo tn. Reatu neque liberari possunt plerique *Calviniani*. Nunc succederet attributum *Sanguinis Christi*, quod sit *Efficax*, cum intrinsecè tum *Meritoriè*, sed reservatur hoc disputationi 7.

§. 15. VII. *Salvificus* seu verè *Salvificus sanguis*: Est enim *Salvatoris nostri Jesu sanguis*: *Matth. 1: 21. Vocabis nomen ejus IESUM, ait angelus Gabriel Iosepho, ipse salvabit populum suum à peccatis eorum*: ubi enim *Remissio peccatorum* ait *Luth.* in *Min. Catech.* ibi *Salus est & vita æterna*. Idem est quod *Apostolus Joh.* in allegato *Textu* inculcat: *Sanguis Jesu Chri-*

Christi Filii Dei EMUNDAT nos ab omni peccato. Huc collimare novimus verba Apostoli Pauli Hebr. 10: 19. 20. 21. 22. 23. *Cum igitur Fratres habeamus libertatem ad eundem in sancta per sanguinem Iesu, eam viam quam dedicavit nobis recentem ac viventem, per velamentum, hoc est, per carnem suam: (cumque habeamus) sacerdotem magnum praefectum domui Dei: Accedamus cum vero corde in certitudine Fidei, aspersi cordibus a conscientia mala & abluti corpore aqua pura; Teneamus confessionem spei non vacillantem. &c.* Hæc purgatio nostri a sordibus peccatorum præfigurata fuit in purificationibus Leviticis & aqua Lustrali super leprosos sparſa in V. T. Lev. 14: 4. seqq. *Tunc præcipiet Sacerdos ut tollat is qui mundandus est duas aviculas vivas & mundas, lignum Cedrinum & Coccum bis tinctum atq; Hyssopum, & præcipiet sacerdos mactari unam avem super vas fictile, super aquas vivas: aviculam v. vivam accipiet cum ligno cedrino, cocco bis tincto & hyssopo, & intinget ea cum ave viva in sanguine avis jugulatae ad aquas vivas: & asperget super Mundandum a lepra septies, & emunda-*

bit eum, dimittetq; avem vivam in superficiem campi: Et mundatus lavabit vestimenta sua & radet omnes pilos suos, lavabit, inquam, in aquâ ut mundus sit, post hoc veniet in castra &c. quam ceremoniam Apostolus ad agnum Dei accommodat Hebr. 13: 12. seqq. quapropter & Jesus, ut sanctificaret per propriû sanguinem populum, extra portâ passus est: Excamus igitur ad eum extra castra, opprobrium ejus portantes: Non enim habemus hic manentem civitatem sed futuram Inquirimus. Reliquas Ceremonias leviticâs latè explicui in tractatu manuscripto super Leviticum.

§. 16. Hinc est quod Chrysostomus in Joh. dicat: Quod veri Christiani reduces è Sacra Domini mensâ, ubi sanguine Jesu ore & cordibus perfusi, ipsis diabolis simus formidabiles. Lætetur ergo ac triumphum canamus in hymno paschali:

Här är thet rätta Påskalamb! Om hwilket Gudh hade budit! På Korbet för oss offrat fram! Oskyldigt piunt och dödat! Thes Blodh stencletes på vår Dörr! Och håller Döden vthan för! Hif fan förderfwaren Stada. Halleluja!

Ita propter victoriosum sanguinem Christi cætabimus sine fine, in omnibus plateis Hierosolymorum cælestium, Halleluja!

Tob. 13: 22,

SVENO ACCIPITER

Per Anagramma,

CIVIS ET CONE PAR.

Ἐξεργασία.

ACCIPITER Sacer ales, ET es, mî can-
dide SVENO,
CIVIS, CONE domus, PAR sociate
piæ!

L. Mq̄.

PRÆSIDIS.

Et sanguis Christi quo nil pretiosius nun-
quam

Diluit hic pretio crimina nostra suo

Hac tibi materies, SVENO sanctissima,
de qua

Præsida SVENONIO differis ore pio:

Expecta idcirco, cœlestia pramia calis,

Inter & eximios, nomina clara viros.

Amico & commilitoni suo sin-
cere dilecto, hæc pauca gratu-
labundus adjecit L.Mq̄;

JOH. FLACHSENIUS,
Mathm. P. P.

*! Hoc felix jubeat Deus ille salutifer orbi,
Qui facili præbet quæ bona cunq; manu!*

Pereximio Dn. Respondenti,

SVENONI HÖÖF / Amico dilecto!

Messiaë sanguis, fusus de pectore Christi,
Christiadum populum mundat de crimi-
ne factò.

Differis hoc, Cathedram conscendens ore
polito,

Præside sub Magno, Parnassi montis alumno,
Quid mercedis habes? Merces tibi maxima
crefeit

Devoti pietas animi, rerumque sacrarum
Cognitio, quæ nos infert sapientia Cælo!
Deniq; summus honos & gloria summa: quid
ultrà

Expetis? ingentes lætus tibi gratulor ausus,
Et precor, ut superùm favor hæc tua cœpta
secundet!

*Infucata amicitia τεχμήριον, in pro-
cinctu itineris in patriam de-
properavit*

MAGNUS N. HERNERUS.

E N mirum ! Accipitrem sylvarum
semper amantem
Conscendisse foros cathedrae, de fonte
salubri (scripta
Mentem monstrasse, ut docto fallacia
Themate detegeret, manus hac dum
sedula volvit.

Sic fiet Charitumque decus Sophiesq;
corona.

Perge igitur studii, Frater perama-
bilis, ausu,
Atque olim Christus tibi reddet digna
brabea

MAGNUS M. CHORINUS

Vite morumque elegantiam Viro Juveni
conspicuo,

DN. SVENONI HÖÖF/ S. R. M. A.
Perindustrio Disputationem Theolog: egregie
defendenti; Fratri & amico singulariter
honorando.

Quid iuvat esse pium, quid se quoq;
dedere Musis?
Tu Patriota probè nunc specimen
dederas, Gra-

Gratulor ergò tibi ex animo conamina
sacra!

Certamè subeas gnaviter in cathedrâ!
Pergito Respondens, claris incumbere
coeptis,

Præmia virtutis, docta Minerva dabit.
Comprecor, ut studiis benedicat rite Je-
hova!

Ut tibi sit nomen gaudia mille ferens!

Fraterno affectu cecinit

S. R. M. Al.

PETRUS ULNERUS Smol.

Non facis impuram mentem quod glutiit
oris

Bucca, ast cordis ager prodit abunde
mala.

Hinc sunt incestus, caedes, furtum, atra libido,
Contemptus verbi, numinis atque sacri.

Quæ peccata Deus denunciât igne Gehennæ
Plectenda, ulciscens arbiter ipse malos.

Nam veniens Christus pretioso sanguine mûdat
Omnes, qui credunt sordibus usque suis.

Hœki, hoc exponis linguâ & scriptis, per-
mice:

Gratulor hos ausus, vela secunda precor!

Αὐτοῦ ἑδῶκεν ἔδωκεν

ERICUS N. OSANDER.

Wexionensis.